



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

XXVIII La vie de saint Vidal, martyr.

---

[urn:nbn:de:hbz:466:1-75749](https://nbn-resolving.org/urn:nbn:de:hbz:466:1-75749)

vertu s'adonnant à plusieurs vices, spécialement  
 26. les Ecclesiastiques (comme dit Eusebe de Cesa-  
 A.V.R. rée) que Dieu les voulut purifier de ce fleau, net-  
 toyer la rouille & pourriture par le feu de ceste  
 perfection: laquelle fut si horrible & espouuan-  
 table, qu'en moins d'un mois, plus de dix-sept  
 mille martyrs souffrirent pour Iesus-Christ en di-  
 uerses Prouinces, avec des tourmens si atroces &  
 exquis, que le diable seul estoit capable de les in-  
 uenter. Et en la prouince de Phrygie les Gentils  
 mirent le feu dans vne ville toute entiere, & brus-  
 lerent tous ceux qui estoient dedans, hommes,  
 femmes & petits enfans, parce qu'ils estoient  
 Chrestiens & en toutes les Prouinces, villes,  
 bourgs, & villages de l'Empire, on ne voyoit que  
 des tourmens, & des morts, & vne boucherie  
 de sang des Chrestiens espendu. En ce temps là  
 saint Marcellin fut pris à Rome, & amené au  
 Temple des dieux pour leur sacrifier, luy tout es-  
 pouuanté des menaces, & vaincu, comme foible,  
 de la frayeur des tourmens, offrit de l'encens aux  
 faux dieux, avec vn grand regret des Chrestiens,  
 & ioye des Payens, lesquels le laisserent en liber-  
 té, croyans que le chef estant vaincu, & le Capi-  
 taine des Chrestiens, le reste se rendroit & les  
 brebis ne seroient pas plus que leur pasteur: mais  
 il en atriuua tout au contraire, parce que Marcellin  
 receut vn si grand creue-cœur de son echee, qu'il  
 amassa vn Concile de 300. Euesques (encore que  
 d'autres ne parlent que de 180.) pour scauoir ce  
 qui se deuoit faire en vn cas si nouveau & scanda-  
 leux: Marcellin y entra, reuestu d'une haire, cou-  
 uert de cendres, & demanda pardon de sa faute à  
 chaudes larmes, disant, qu'il n'estoit pas digne  
 d'estre conté au nombre des Prestres, ny de tenir  
 le Siege Apostolique: A cela tout le Concile luy  
 respondit, qu'il estoit le souverain Iuge & Vicair  
 de Iesus-Christ en terre, qu'à luy appartenoit de  
 iuger les autres, sans qu'il peust estre iugé de per-  
 sonne, qu'il se iugeast luy mesme, & donnast sen-  
 tence contre soy: que saint Pierre auoit bien re-  
 nié Iesus-Christ par foiblesse & vaine peur, & que  
 depuis il en auoit obtenu pardon par ses larmes  
 & soupirs. Et Marcellin touché de Dieu, & forti-  
 fié de son esprit, eut si grande honte de soy mes-  
 me, qu'il s'en alla trouuer l'Empereur, & le re-  
 print avec des paroles hardies & seueres, de la  
 cruauté dont il vsoit enuers les Chrestiens, & de  
 ce qu'il auoit esté cause de le faire tomber en ce  
 profond abyss de impieté, pour lequel il s'offroit,  
 & estoit prest d'expier par tous les tourmens &  
 supplices qu'il luy voudroit faire endurer; & s'e-  
 flumeroit bien-heureux de pouuoir lauer & effa-  
 cer de son sang ceste mauuaise tache. L'Empe-  
 reur se courrouça infiniment de ce que Marcellin  
 luy dit, & transporté de colere, commanda qu'on  
 luy tranchast la teste. Comme on le menoit au  
 supplice, il apperceut son Prestre Marcel qui luy  
 succeda au Pontificat, auquel il deffendit d'obeir  
 à l'Empereur es choses qui concernoient la Reli-  
 gion: & qu'il laissast son corps sans sepulture, par-  
 ce que celui qui auoit commis vn si vilain acte,  
 que d'offrir de l'encens aux faux dieux ne meri-  
 toit pas d'estre couuert de la terre. Il eut la teste

tranchée avec Claude, Cirin, & Anthoine. Ces  
 corps Saints de ces quatre demorerent 36. iours  
 sans sepulture, par l'expres commandement de  
 l'Empereur: au bout desquels Marcel les recuei-  
 lit par reuelation qu'il eut de l'apostre saint Pier-  
 re, & les enterra en la rue Salarie, au Cimetiere  
 de Priscille, accompagné des Prestres & Diacres,  
 qui chantoient des Hymnes, & des Psalms.  
 Marcolin tint deux fois les Ordres, esquels il fit  
 4. Prestres, cinq Euesques. Il demoura dans la  
 chaire de saint Pierre (selon Damase) neuf ans  
 2. mois & seize iours, & selon le Cardinal Baro-  
 nius, huit ans moins sept iours. On trouue deux  
 Espistres de saint Marcellin: en l'vne il traite du  
 mystere de l'esgalité des personnes de la tres sain-  
 cte Trinité, & en la 2. qu'il escriuit aux Euesques  
 d'Orient, il les exhorte à viure Chrestienement &  
 s'exercer es œuvres de misericorde. L'Eglise cele-  
 bre la Feste de saint Marcellin le iour de son mar-  
 tyre, qui fut le 26. d'Auril, l'an de N. S. (selon  
 Baronius) 304.

*A Rome deceda saint Cleme Pape, lequel ayant gouverné  
 l'Eglise immediatement apres saint Pierre, & enduré plusieurs  
 grands travaux, fut couronné du martyre sous l'Empereur Do-  
 mitian. La mesme mourut saint Marcellin Pape, qui eut la  
 teste tranchée sous Diocletian, avec Claude Cirin & Antonin,  
 auquel temps mesme la persecution fut si sanglante, qu'on nombra  
 dix-sept mille Chrestiens martyrisés dans vn mois. A  
 Amasee ville du Pont en Asie trespassa saint Basile Euesque  
 & martyr, du temps de l'Empereur Licinie. Au Monastere  
 nommé Centale, situé en Ponthieu, contrée de Picardie, mourut  
 saint Riquier Prestre & Confesseur. A Troyes Exuperance  
 vierge.*

*A Comidia saint Anthime Euesque & martyr, eut la te-  
 ste tranchée durant la persecution de Diocletian: avec luy furent  
 aussi martyrisés quasi tous les Chrestiens de son Diocèse: les vns  
 passerent par le fil de l'espee, les autres furent bruslez, les autres  
 mis dans de petites nacelles, & puis enfoncés dans la mer. A  
 Tarse ville de Cilicie moururent les saints Castor & Estienne  
 martyrs, A Constantinople saint Jean Abbé, lequel fut outrag-  
 eusement battu de verges sous l'Empereur Leon. Iurnomme  
 Isaurique, parce qu'il desferoit l'honneur den aux saintes ima-  
 ges, puis fut enuoyé en exil, & mis en vne prison où il trespassa.  
 A Rome saint Anastase Pape successeur de Sircie, homme de  
 tres-riche parenté, d'un soing & sollicitude Apostolique, & du-  
 quel Rome ne meritoit pas de iouyr long-temps, comme du saint  
 Hierosme, de peur que le chef du monde ne fust travaillé sous vn  
 tel Euesque. Car peu de temps apres son decez, Rome fut prinse  
 par les Gots, A Boulongne mourut saint Terrullian Euesque &  
 Confesseur. A Bresse saint Theophile Euesque.*

LA VIE DE SAINT VIDAL,  
 Martyr.

**N**TRE les saints qui respandi-  
 rēt leur sang pour Iesus-Christ en la  
 persecution de Néron, plusieurs  
 Auteurs tiennēt que saint Vidal  
 en fut l'vn, qui estoit vn des princi-  
 paux Cheualiers de Rauēne, mary  
 de sainte Valerie, & pere de Geruais & Protais,  
 qui furent tous quatre nobles Martyrs de nostre  
 Seigneur, encore qu'il y en ait qui maintiennent  
 qu'ils n'estoient pas si anciens, & qu'ils ne souffri-  
 rent en ceste premiere persecution de Néron

26.  
 AVR.

27.  
 AVA.

28.  
 AVR.



28.  
AVR.

ains depuis: & se fondent en la relation de Philippe, que saint Ambroise trouua par reuelation diuine, avec les corps des saints Geruais & Protas, & sur d'autres coniectures. Le martyr donc de saint Vidal, duquel nous escriuons icy la vie est tel, (comme nous tirons de saint Ambroise, de Pierre Damien, de Hierosime Rubé Historien des choses de Rauenne) Les Gentils auoient pris à Rauenne vn Chrestien nommé Vrcisin, qui estoit Medecin de sa professiō, ils luy auoient fait plusieurs tourmens atroces, lesquels il auoit enduré avec beaucoup de constance & de force, estant assisté de la grace de nostre Seigneur ils donnerent sentence de mort contre luy, & le menerent au lieu du supplice, pour luy trancher la teste. Quand il vid sa dernière heure venuë, & que le bourreau tiroit desia son espée, luy auoit bandé les yeux, & ne luy restoit plus qu'à recevoir le coup: alors (comme homme) il commença à perdre courage, qu'il auoit tousiours eu si bon: nostre Seigneur voulant monstrer par là combien l'homme ayd de sa grace est fort, & au contraire foible de luy-mesme: & donner occasion pour la foiblesse d'Vrcisin, à Vidal de faire voir sa magnanimité, & qu'ils fussent ensemble deux glorieux Martyrs. Car Vrcisin estât presque vaincu, & prest d'adorer les faux Dieux, Vidal qui estoit present à ce spectacle, ayant compassion de luy, & iugeant qu'il estoit obligé de le secourir en ceste agonie, luy cria à haute voix: Qu'est cela Vrcisin? que doutes-tu? que crains-tu? toy qui en qualité de Medecin as donné la santé aux malades, tu te laisses blester sans te pouuoir maintenant guarir? Tu as desia enduré tant de cruels tourmens, & tu veux perdre en vn moment tout ce que tu as gagné, & respandre ce que tu as amassé? Souuienne-toy qu'avec ceste mort qui passe comme vne bouffée de vent, tu acheteras vne vie bien heureuse & perdurable. Les paroles de saint Vidal furent de tel poids, qu'elles retindrent celuy qui tresbuchoit desia, & l'encouragerent de telle sorte qu'il tendit gayement & hardiment le col au bourreau, & mourut pour Iesus-Christ, & saint Vidal non content d'auoir donné la vie à l'ame d'Vrcisin, pour honorer son corps mort, il le destroba, l'enfeuelit avec beaucoup de zele & de ferueur. Le Iuge nommé Paulin ayant veu ce que Vidal auoit fait, & dit, sachant qu'il estoit Chrestien, l'admonesta doucement de quitter la vaine superstition des Chrestiens, & de reprendre l'ancienne & vraye Religion des Romains, autrement qui le feroit punir. Vidal ne fit que s'en rire & luy dit qu'il feroit bien mieux de renoncer les faux Dieux, qui ne sont que des nids à rats, à la vermine, où les araignées font leur toile, & les chauues-souris se cachent le iour: & adorer Iesus-Christ Createur du Ciel & de la terre. Le Iuge le fit gehenner sur la torture du cheualer, où l'on deschira sa peau, disloqua ses membres, & on fit vne entiere espreeue de sa patience, & de sa foy. Cela ne le pouuant esbranler, ny fleschir, Paulin commanda qu'il fust mené au mesme lieu où Vrcisin auoit esté executé, & que là on fit vne fosse bien profonde,

dans laquelle, si Vidal ne vouloit adorer les Dieux, on le precipitast tout vif, & qu'on la remplist soudain de terre & de pierres, afin qu'il demeurast là offusqué & enterré: par ce genre de Martyre S. Vidal rendit son ame à Dieu. Paulin rendit ceste sentence de mort contre Vidal, à la suscitation d'vn Prestre d'Apollon, lequel fut possédé du Diable à l'instant que mourut saint Vidal, & il estrangement tourmenté, qu'il crioit & disoit: Tu me brusles, Vidal, tu me tourmentes, Vidal, tu me mets tout en feu, Vidal. Il fut ainsi tourmenté 7 iours durant, & ne pouuant plus souffrir l'ardente qui le consommoit, il se ietta dans vne riuere, où il se noya, en punition du mauuais conseil qu'il auoit donné contre le Saint, lequel au contraire merita de mourir pour Iesus-Christ, à cause du bon conseil qu'il auoit donné à Vrcisin, luy aidant à mourir pour nostre Seigneur. L'Eglise celebrea le martyr de saint Vidal le 28. iour d'Avril qu'il mourut.

LA VIE DE SAINCTE THEODORE  
virge & martyre, escrite par S. Ambroise  
au second liure des Vierges.



**T**E bien-heureux Saint Ambroise Docteur en l'Eglise, décrit le martyre d'vne chaite & sainte fille en ceste maniere. Il y auoit en Antioche vne tres-honneste fille fort retirée, & ennemie des vilains: neantmoins plus elle se cachoit, d'autant plus elle embrasoit les cœurs lascifs de la renommée de sa beauté excellente: & voyant qu'elle ne paroittoit point, pour satisfaire à leur mauuaise intention, ils l'accuserent d'estre Chrestienne, & la firent prendre & amener deuant le Iuge, afin de luy faire premierement renouer (s'ils eussent peu) sa Religion, & luy rauir puis apres le don de chasteté. Elle fut ouïe, & trouuée constante en la confession de la Foy de Iesus-Christ, & toute preste de souffrir pour l'amour de luy mille morts & tourmens: au surplus si pudique & honneste, qu'elle n'osoit regarder vn homme en face, & trembloit seulement de penser qu'ils la regardoient. Apres quelques discours que luy tint le Iuge, pensant la persuader de sacrifier aux Dieux, voyant qu'il perdoit temps, il la mit à choix de se sacrifier ou bien d'estre trainée en plein bordeau. La sainte Vierge ayant ouï sa sentence, dit à part soy, Que feray-ie mon ame? l'entre au iourd'hui au combat, où l'ennemy me veut faire perdre, ou la couronne de vierge, ou celle de martyre: neantmoins par la grace de Dieu, il ne nous scauroient oster celle de martyre, puis que nous mourons pour l'amour de luy: ny celle de vierge, parce qu'il nous preseruera: & quand bien le corps receuroit quel que outrage, la volôté n'y prestât aucun consentemēt, la chasteté ne se perd point. La Sainte fut trainée en ce lieu infame, où (comme dit S. Ambroise) la Vierge de I. C. peut bien estre forcée, mais non pas souillée, car en quelque part